



**PRESS HANDOUT**  
**(of 18<sup>th</sup> March, 2022)**

Government of India, Ministry of Finance, Department of Revenue (Narcotic Control) bul tumin 18<sup>th</sup> March, 2022 (Zirtawpni) khan Excise & Narcotics Department chuan Ruihhlo dona lama an thawhpui pawl pahnih – Mizoram Cycling Association (MiCA) leh Aizawl Thunders te nen **Anti-Drugs Awareness Rally (Ruihhlo dona atana inhmuhkhawmna)** an hman.


18<sup>th</sup> March 2022 (Zirtawpni) zing dar 6:30 khan Commissionerate of Excise & Narcotics Building kawtah Commissioner & Secretary to Govt. of Mizoram, Excise & Narcotics Department, Pu K.T. Beicho, IRAS chuan Mizoram Cycling Association member thenkhat ruihhlo dona atana Cycle-a fehchhuak turte a vailiam a. “Mizoram hi ruihhlo hian min tibuai nasa tawh hle a, chuvangin mitinten kan do a ngai a ni” tiin thuchah a sawi. Heng Cyclist te hian thirsakawrin khaw hrang hrang fangkualin Ruihhlo that loh zia leh ruihhlo dona thu leh thuziak hmangin an tlangaupui a; heng an hmun fan dante hi YouTube Channel-ah mi tam zawk hmuh theih tura dah tura ruahman a ni. Cyclist zingah hian hmanni lawka thirsakawr-a Kolkata tlan thleng Pu C. Lalawmpuia te, Vairengte atanga Mizoram chhim tawp, Three Country Point thirsakawra tlan thleng, Tv Elzeta Varte leh MiCA member dangte an tel a ni.

Chawhma dar 10:00 khan Mizo High School Field, Mc Donald Hill-ah Aizawl Thunders Morocyclist Association member za rual zet te chu Pu Ngurchungnunga Sailo, Commissioner of Excise & Narcotics chuan a vailiam bawk. Excise & Narcotics Commissioner Pu Ngurchungnunga Sailo chuan “Mizorama pawl zahawm tak, Aizawl Thunders ho nen ruihhlo dona kawnga kan thawkho thei hi a lawmawm a, he ruihhlo, Mizote min runtu that loh zia leh do a tul zia hi mitin kan inhrilh hriat thar nawn leh fo a tul a ni” a ti.

Heng Anti-Drugs Awareness Rally hi National Fund for Control of Drug Abuse (NFCDA) Project hnuai buatsaih a ni. MiCA Cyclist leh Aizawl Thunders Motorcycle Rider Flag-off program hi Pu Z. Lalmangaiha, Jt. Commissioner of Excise & Narcotics & Chairman, Working Committee on NFCDA chuan a kaihruai a, Pu Peter Zohmingthanga, Asst. Commissioner of Excise & Narcotics & Project Co-Ordinator, NFCDA Project chuan report a pe a ni.

Ministry of Finance bultum, NFCDA project hnuai hian Excise & Narcotics Department hian District hrang hrangah Drug-Awareness Program an hman bakah, zirlaite tan Poetry Competition buatsaih te, Ruihhlo laka inzirtirna atana Video insiamsiak te leh thil hrang hrang an buatsaih tawh a ni.

Dated : Aizawl  
18<sup>th</sup> March, 2022

  
(PETER ZOHMINGTHANGA)  
Public Relations Officer,  
Commissionerate of Excise & Narcotics,  
Aizawl, Mizoram.